

7 November 2013

Jaargang 6 – Uitgawe 37

In hierdie uitgawe

- Voorblad
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Dankbaar en opgewonde

Dit was met baie belangstelling maar min kerklike blootstelling dat ek op 1 Junie 1990 by *Beeld* aangesluit het as verslaggewer oor kerksake. Ek het 'n paar voorstedelike NG gemeentes geken, maar min anders. Watter wonderlike maar soms verwarrende wêreld van kerke was dit wat voor my oopgegaan het.

Ek moes gou leer dat elke kerk sy eie kultuur het. Selfs tussen kerke wat oor baie dinge naby mekaar is, is daar soms eienaardige verskille. By 'n Algemene Kerkvergadering van die Hervormde Kerk is daar byvoorbeeld gewoonlik meer rokers as by 'n tipiese sinode van die NG Kerk, maar ook meer mense met doktorsgrade.

As gelowige was dit 'n avontuur om met soveel verskillende dele van die groot liggaam van Christus kennis te maak. Ek het geleer dat verskille tussen kerke nie bloot 'n kwessie van reg en verkeerd was nie. In elke kerk het ek gelowiges gevind by wie ek 'n opregtheid en warmte kon beleef. By elke kerk was daar, helaas, ook diegene by wie ek nie aanklank gevind het nie.

Ek het geleer dat daar in elke kerk, elke tradisie, elke stroom of beweging in die breë Christendom sterkpunte en swakpunte is. Vroeg het ek besluit om my persoonlik te laat verryk deur die mooi dinge wat ek gesien het, en om die dinge wat my pla, by my te laat verbygaan.

In die prosen moes ek vooraf opgestelde idees laat vaar. Ek kon by 'n Katolieke priester sit wat vir my verduidelik het hoe hulle die rol van Maria, die moeder van Jesus, verstaan. Ek hoef dit nie deel van my oortuigings te maak nie, maar ek kon met baie beter begrip en meer waardering vir hulle vorentoe gaan as met die stereotipes waarmee ek grootgeword het.

Een van die wonderlike ervarings wat oor my pad gekom het, was die Lausanne-konferensie vir wêreldewangelisasie wat drie jaar gelede in Kaapstad gehou is. Daar kon ons een dag 'n eenvoudige loflied om die beurt in Engels, Japannees, Spaans, Afrikaans, Duits, Zoeloe, Indiese dialekte en hoeveel ander tale sing. Watter manier om te beleef dat die kombes van die Christelike geloof inderdaad reg om die aarde span.

Deur my kontak met uiteenlopende groepe het ek geleer om op verskillende maniere waardering te hê vir gospelrock wat 'n mens se ore laat tuit, maar ook vir kontemplatiewe stilte.

In verskeie opsigte het my kontak met ander tradisies my waardering vir my eie tradisie verhoog. My ekumeniese blootstelling het my waarskynlik meer gereformeerd gemaak, eerder as minder. In die spieël wat ander kerke vir my was, kon ek my eie kerklike tradisie op 'n baie dieper vlak leer verstaan en waardeer.

Dis teen dié agtergrond dat ek vir die Hervormde Kerk se onthalwe opgewonde is daaroor dat die ekumeniese deure besig is om oop te gaan. Dis 'n wonderlik verrykende ervaring om kontak te hê met Christene van uiteenlopende omgewings – selfs al verskil 'n mens op punte skerp van mekaar.

Met die terugkyk oor my meer as 23 jaar by *Beeld* is ek dankbaar teenoor die Doppers en Katolieke, Metodiste, Presbiteriane, Anglikane en AGS'e, ZCC's en charismate, emerging churchers, interkerklikes en Lutherane, gereformeerdes van verskillende soorte en Russiese en Grieks-Ortodokses wat my pad gekruis het. En natuurlik die wonderlike, gawe Hervormers wat ek kon leer ken.

Neels Jackson
Kerksakeverslaggewer van *Beeld*

(Neels word van 1 Desember af *Kerkbode* se Uitvoerende Joernalis, waarmee die redakteursverantwoordelikheid saamgaan. Baie geluk ook van ons kant af!)

Skakels

Webblad van die Hervormde Kerk www.nhka.org
Die Hervormer www.hervormer.co.za
e-Hervormer www.hervormer.co.za/e_Hervormer.html
Indien u nie weer die *e-Hervormer* wil ontvang nie, stuur 'n e-pos na karen@nhk.co.za

PREDIKANTE EN GEMEENTES

Stuur asseblief berigte oor lief en leed en gemeentegebeure na produksie@nhk.co.za. Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.



Ds Koos Viljoen

- Emerituspredikant **ds JA (Koos) Viljoen** is op Sondag 3 November oorlede. Hy was 87 jaar oud. Ds Viljoen is in 1951 in Gemeente Windhoek georden, en het in 1988 met siekte-emeritaat gegaan en in 1991 emeritaat aanvaar. Sedert die vroeë 1950's is bykans die hele sentrale en suidelike deel van die ou Suidwes-Afrika deur ds Viljoen (die vlieënde predikant) bedien. Dit was 'n gemeente wat gestrek het oor 'n afstand van meer as 800 km van Oranjemund in die suide tot by Okahandja in die noorde en nagenoeg 600 km van Gobabis in die ooste tot by Walvisbaai in die weste! Vir die volgende meer as 35 jaar sou ds Viljoen die enigste predikant van Windhoek, Gobabis, Walvisbaai en alle dorpe in die suide van Suidwes wees. Ds Viljoen se **roudiens** vind plaas op Vrydag 8 November om 10:00 in Gemeente Newlands in Johannesburg, en word gelei deur ds Giel Malan. Ons innige simpatie gaan aan mev Driekie Viljoen en die familie.

- **Ds Marius en Mercia Bacon** het so pas oupa en ouma geword van 'n babaseuntjie. Baie geluk aan almal!



Dr Kálmán Papp

Dr Stephan Hoffman

- **Dr Kálmán Papp** van die Bybelgenootskap van Suid-Afrika (BSA), wat vir die afgelope drie jaar Streekhoof van die Noordwes-streek van die BSA was, is met ingang van 1 November 2013 aangewys as Bestuurshoof van die Kempton Park Administratiewe Sentrum. Hierdie sentrum huisves die 43 personeellede van die vier noordelike streke van die BSA. Dr Papp bly egter steeds verantwoordelik vir die bediening van die gemeentes van die Nederduitse Hervormde Kerk in Limpopo, Noordwes, Noord-Kaap en Wes-Kaap asook die gemeentes van die Afrikaanse Protestantse Kerk in die vier noordelike provinsies van die land. **Dr Stephan Hoffman** bedien steeds die gemeentes van die Hervormde Kerk in Gauteng, KwaZulu-Natal, Mpumalanga, Oos-Kaap en Vrystaat asook die gemeentes van die Evangelies-Gereformeerde Kerk in die vier noordelike provinsies.

- Die **Bybelgenootskap van Suid-Afrika (BSA)** bedank graag alle gemeentes vir die pragtige bydraes wat gedurende die afgelope boekjaar, wat op 31 Oktober geëindig het, ontvang is. Die meeste gemeentes se bydraes is teen die sperdatum ontvang en sal dus in die verslae aan die ringsvergaderings van 2014 gereflekteer word. Gemeentes word herinner aan die versoek dat die erediensoffergawes (deurkollekte) van Hervormingsondag (27 Oktober) **gedurende November** oorbetal word. Dit word dan gemeentes se eerste bydraes vir die nuwe finansiële jaar van die BSA. Die bydraemikpunt vir 2013/4 is R40 per belydende lidmaat en word bereken aan die hand van die getalle van die gemeentetelling van Augustus 2013.

- Die **Bybelgenootskap** van Namibië versoek gemeentes om hul bydraes aan die Bybelgenootskap teen die **einde van Desember** oor te betaal. Die deurkollekte van Hervormingsondag (28 Oktober) moet asseblief saam met bogenoemde teen einde Desember oorbetal word. Die bydraemikpunt soos vasgestel deur die 70ste AKV is R36 per belydende lidmaat. Die **bankbesonderhede** is soos volg: Bybelgenootskap van Namibië, Bank Windhoek, takkode 482172, rekeningnommer 1131252201. Gemeentes moet hul **naam** (NH Windhoek) as verwysing gebruik wanneer oorbetalings gemaak word. Indien oorbetalings nie direk in die bankrekening van die Bybelgenootskap gedoen kan word nie, kan dit gepos word na Privaatsak 13294, Windhoek. Ds Barnie van der Walt kan by 061 235 090 of 081 127 1694 geskakel word indien daar enige navrae is, of stuur 'n e-pos na gensec@nambible.org.na.





- **Ds Jasper vd Westhuizen** van Gemeente Randfontein Midpark se e-posadres het verander. Dit is nou jaspervdw@nhkmidpark.co.za.

- **ADV SE JAAR VIR GESTREMDHEID. Respekteer en akkommodeer.** Om 'n dowe persoon se aandag te trek, tik liggies op 'n skouer. Moenie met iemand wat doof is probeer kommunikeer met byvoorbeeld kougom in die mond nie – dit beperk hul vermoë om die lippe korrek te lees. Hulle vind dit ook gewoonlik moeilik om die lippe te lees van iemand wat 'n snor het!

- **STUDIEBEURS: MAATSKAPLIKE WERKER.** Aansoeke word ingewag vir die **Robbie Schilz-beurs** ten bedrae van R40 000 per jaar, vir studie in maatskaplike werk vir die akademiese jare 2014 tot 2017. Die suksesvolle kandidaat moet gekeur wees deur die Universiteit van Pretoria vir maatskaplike studies, asook 'n belydende lidmaat van die Nederduitsch Hervormde Kerk wees. Die beurs is beskikbaar vir die eerste of 'n daaropvolgende studiejaar. Aansoekvorms is op aanvraag beskikbaar van jnvh@otmt.org of faks 012 323 2127 en moet ingedien word nie later nie as **15 November 2013**.

- **NHSV: Beurse en lenings vir 2014.** Die NHSV beskik oor beurse/lenings vir studente in enige studierigting. Slegs lidmate van die Nederduitsch Hervormde Kerk kwalifiseer vir die toekennings. Die lenings/beurse wissel van R3 000 tot R8 000. Aansoekvorms kan afgelaai word by www.nhsv.org.za, onder NHSV kantoor, pro forma-dokumente. Die sluitingsdatum vir aansoeke is **15 November 2013**. **Geen laat aansoeke word aanvaar nie.**

- Op Saterdag 30 November vier die **Maranatha Reformed Church of Christ (MRCC)** hul **90ste bestaansjaar** in die Goddefroysaal in die Dirk van der Hoffgebou in Pretoria. Die verrigtinge duur van 09:00 tot 16:00. Kontak ds Modisaotsile Motloba by 012 322 8885 x262 of mrcc@nhk.co.za vir meer inligting.

Spesiale eredienste en feesnaweke

- **Gemeente Sionspoort: Feesnaweek**
Vrydag 29 November tot Sondag 1 Desember
Vrydag en Saterdag: Kersmark
Die diakonie trakteer die gemeenskap se minderbevoorregte kinders
(Meer inligting oor die mark op bladsy 8)
Sondag: Kerssangdiens om 19:00
Mathys Roets en die gemeentekoor tree op
Skakel 082 464 1547 vir meer inligting
- **Gemeente Goede Hoop (Piet Plessis): 100 jaar**
Feesnaweek 29 November tot 1 Desember
Basaar en hoeksteenoprigting (met optrede deur sanger Pieter Smith)
asook Voorbereiding Saterdag
en Nagmaal en Danksegging met Doop Sondag
Gedenkalbum teen R440 plus posgeld
Kontak Dolla Coetzee by dollacoetzee@telkomsa.net
of 073 170 5325 om te bestel
Navrae aan ds Arno Nieuwhof by 073 240 6030
of arnonieuwhof@gmail.com of op sy Facebook-blad
- **Gemeente Durban-Suid: Vakansie-eredienste**
Desember: Sondae om 08:30
Kerkgebou te Beaconweg 137 op die Bluff in Durban
Kersfeesdiens op 25 Desember om 07:00
Predikante van ons Kerk benodig om eredienste waar te neem
op 5 en 12 Januarie om 08:30
Kontak prof Biek Beukes by 072 036 4960
of die skriba, Isabel Dirker, by 083 657 5182



Predikanteverjaardae

- Die volgende predikante verjaar tot 15 November, en word hartlik geluk gewens.
 - o Donderdag 7 November: Di SA (Fanie) Beukes (Wesmoot) en DA (Dirk) van Rooyen (Belfast/Waterval Boven)
 - o Saterdag 9 November: Ds PJ (Hannes) Wolmarans (Secunda)
 - o Maandag 11 November: Di AH (Adriaan) Roets (Swartkop) en JF (Kobus) van der Merwe (beroepafwagting)
 - o Woensdag 13 November: Ds IL (Innes) Benadé (Oudtshoorn)
 - o Donderdag 14 November: Ds NJS (Nicolaas) Steenekamp (Middelburg)
 - o Vrydag 15 November: Di JG (Hannes) Janse van Rensburg (Zuurfontein), F du C (Francois) Labuschagne (emeritus) en PJO (Pieter) Pretorius (emeritus)

Beplande vergaderings

- o Donderdag 7 November: Kommissie van die AKV
- o Vrydag 8 November: Kommissie van die AKV
- o Saterdag 9 November: Kommissie van die ADV
- o Dinsdag 12 November: Pensioenfonds
Operasionele Komitee van die OSR
Nagraadse Beurskomitee
Kuratorium
Aksiegroep vir Bejaardes
- o Vrydag 15 November: Finkom van die OSR

Beskikbare behuising

- **Gemeente Philadelphia** het **akkommodasie** beskikbaar vir 'n **student**. Dit bestaan uit 'n privaatkamer met gemeenskaplike ablusie en kombuis. Dit is binne stapafstand van die Universiteit en daar is veilige parkeerplek. Die koste is R2 860 per maand, wat skoonmaakdienste een maal per week insluit. Kontak Elize Fourie by 012 362 7237 tussen 08:30 en 12:30 op weksdae, of dr Sanrie de Beer by 083 226 1866, of stuur 'n e-pos na philadelphia@nhk.co.za.



Studente-akkommodasie
Universiteit Pretoria

Gemeubileerde kamers in private koshuis en kommunes beskikbaar vir studente
Naby Universiteit, sportgronde en inkopiesentrums
Vir Afrikaanse Christenseuns en -meisies

Vanaf R2 600

012 362 1192 / admin@tukiestate.co.za

- **Ons Tuis (Riviera, Pretoria)**, tehuis vir versorging van verswakte bejaardes, het tans plek beskikbaar. Ons bied u 'n volledige versorgingsfasiliteit wat insluit:
 - o 24-uur mediese versorging,
 - o 3 maaltye per dag,
 - o sekuriteit, en
 - o gereelde sosiale aktiwiteite.



Vir meer besonderhede, skakel matrone E Mans by 012 329 3623. Aansoekvorms kan afgetrek word op www.otmt.org, of kontak H Fourie by 012 325 1857 om aansoekvorms aan u te stuur.

- **Louis Trichardt Monumenttehuis in Danville** bied enkel- en dubbelkamer-inwoning vir **bejaardes** wat nog selfversorgend kan funksioneer. Aangename huislike atmosfeer, 2 x etes ingesluit by losies, billike tariewe. Gereelde sosiale programme. Vir meer inligting, kontak mev Marie Hunter by 012 386 5310.
- **Andries-Marié Oosthuizen Monumenttehuis in Parys**
24-uur versorging met drie maaltye word voorsien
Tans is daar beskikbare kamers:
 - o 2 enkelkamers suidekant @ R5 800
 - o 2 beddens in die 4-bed-kamer @ R5 800Kontak matrone Botha by 056 811 2185 vir meer besonderhede
- **Piet Potgieter Monumenttehuis in Mokopane (Potgietersrus)**
Die volgende akkommodasie is tans beskikbaar:
4 x kamers met eie geriewe, ontbyt en middagete ingesluit
Gesik vir selfversorgende bejaardes wat self hul kamer en wasgoed kan doen
Rustige, plattelandse dorp ideaal vir aftrede
Kontak bestuurder, mev Mariana van Tonder, by 015 491 6314

Konserte en feeste

- **Sondag 17 November om 18:30: Gemeente Vaalpark Kersprogram met Jan de Wet**
hv Opperman- en Prinsbergstraat, Vaalpark
Almal welkom – bring familie en vriende saam
Navrae by nhkvaalpark@telkomsa.net

Kampe en toere

- **Toer saam na Israel en Egipte: 28 November tot 7 Desember 2013**
Beleef God in die voetspore van Jesus
Toerleiers: Ds Fanie Beukes en dr Francois Carr
Vir meer inligting, kontak ds Beukes by 073 167 1183
of per e-pos by faniebeukes@yahoo.com
- **Gemeente Potchefstroom-Studente: Eerstejaarskamp 2014**
Plek: *Serube Sa Phakwe*
(avontuur-, sport- en lewensvaardigheidsentrum in die Vredefort-koepel)
Datum: Dinsdag 7 tot Vrydag 10 Januarie 2014
Tyd: Vertrek Dinsdag 7 Januarie om 13:00
Terug Vrydag 10 Januarie om 13:00
Vertrekpunt: Vanaf die kerkgebou in Silwerstraat 19
Ons ry almal saam per bus – jy gaan hier reeds begin vriende maak!
Skakel dr Rudy Denton by 018 294 3509 / 082 459 9710
of Terzie Denton by 082 475 4618
of Salome Lubbe by 072 993 8183 indien jy enige vrae het
Besoek ons webblad vir registrasie:
<http://www.studentegemeente.com>
<http://www.facebook.com/PotchStudente>
- **TUKS Eerstejaarskamp 2014**
Aangebied deur Gemeente Philadelphia
Tema: *Die lewe is 'n Rubiks-cube*
Datum: Vrydag 10 tot Dinsdag 14 Januarie 2014
Prys: R950 voor 15 Desember 2013 en R1 000 na 15 Desember 2013



Die kamp vind by Kwaggasrus plaas
Bymekaarkomplek: NHKA Philadelphia
Afslag van R50 op kampprys vir matrieks per mede-matriekvriend
wat jy saambring
Skakel Annieka by 072 758 / Hanri by 073 171 5386
Vind ons op Facebook: Tukkies EJK 2014

- **Gemeente Stellenbosch: Eerstejaarskamp 2014**

Is jy 'n toekomstige Matie?

Kom kamp dan saam met ons

Saterdag 18 Januarie 2014 om 12:00 tot **Dinsdag 21 Januarie** om 15:00

Indien jy eers 22 Januarie in die koshuis of elders moet aanmeld, kan ons vir jou stoorplek gee vir jou bagasie, en selfs slaapplek as dit vir 'n nag of wat nodig is. Kom maak sommer van vroeg af goeie vriende, leer die omgewing en kampus ken en word so ook deel van die kerklike omgewing, waar ons 'n baie aktiewe HSV het. Ons beplan om groot pret te hê op die kamp. Daar gaan besprekings wees oor jou geloof en jou studentejare, maar ook genoeg pret en plesier – swem, speletjies, stap, uitstappies...

Baie belangrik: Indien jy ander briewe ontvang het wat jou nooi na Eerstejaarskampe, dit is **almal kerkkampe**, al sê hulle dit nie duidelik in die briewe nie. Kom kamp dus asseblief saam met jou Kerk!

Vir meer inligting, kontak ds Chris le Roux by 079 498 3239 /

cleroux@nhk.co.za

of Johanet van der Merwe, HSV-voorsitter, by 073 941 7810.

- **Leef jou droom en besoek Israel saam met my**

26 Maart tot 5 April 2014

Toerleier: Dr André Ungerer

Besigtig ook die wonder van Petra in Jordanië

Geniet die piramides en sfinks as bonus op pad huis toe

Skakel 018 468 5129 of 082 940 8201

E-pos: andreung@telkomsa.net

- **Konteks-leserstoer na Turkye: 1 tot 17 Mei 2014**

15 lewensveranderende dae op die voetspore van die eerste Christene

Toerleier: Prof Ernest van Eck

012 420 3804 (w) / 082 413 2332 / ernest.vaneck@up.ac.za

Allesinsluitende aangepaste toerprys: R26 968

Gebaseer op wisselkoers USD1.00 = ZAR10.00

Internasionale retoerlugvervoer met Turkish Airlines in ekonomiese klas; lughawebelastings; 15 dae verblyf in eersteklas (4 ster) hotelle; drie etes daaglik; grondvervoer in luukse bus met lugversorging; alle toegangsfooie; dienste van professionele Engelssprekende gids en groeppreisversekering.

Inhoudryke reisplan sluit onder andere die volgende hoogtepunte in:

- o Tarsus (Paulus se geboorteplek)
- o Skoorsteenlandskap en ondergrondse stede van Kappadosië
- o Die sewe gemeentes van Klein-Asië
- o Die natuurwonder van Pamukkale
- o Die Griekse eiland Patmos (Grot van Johannes se Openbaring)
- o Skone Assos aan die Egeïse kus
- o Drie nagte in Istanbul

Moenie hierdie unieke geleentheid misloop nie.

Daar is net enkele plekke oor!

Vir meer inligting kontak:

Formele reisagent: Louise Geyser

012 361 0579 / 082 560 4279 / louise.geyser@absamail.co.za



- **Vrouekamp 2014: Vrydag 16 tot Sondag 18 Mei 2014**
Alle dames van gemeentes, dagboek asseblief die datum!
Tema: *Wat is nuus?*
Sprekers: Di Janine Bevol-Manders en Antionette Janse van Rensburg
Koste: R550 per persoon
Kampgronde ongeveer 40 km buite Pretoria
Kontak Jana Peenze by 083 734 5426 / janapeenze@vodamail.co.za
of Stefanie Theron by 082 825 7944 / stef1@absamail.co.za

Kompetisies en fondsinsamelings

- **Gemeente Bronkhorstspuit: Karp-hengelkompetisie**
Saterdag 16 November
Plek: Vlooiakopdam
Eerste prys: Slagos
Koste: R150 per hengelaar met 2 stokke
(vir hengelaar wat hengel vir die slagos as 1ste prys)
R100 per kind wat hengel vir die kinderprys
Kontak Frans le Roux 082 892 1325 / Achom Prinsloo 072 345 2025
- **Gemeente Witfield: Boog- en geweerjagkompetisie**
Sluitingsdatum 31 Mei 2014, trekking 1 Junie 2014
Kaartjies: R100 donasie
1ste prys: Koedoebul, sebra, blouwildebees, 2 rooibokke, 2 blesbokke plus 5 dae en 4 nagte verblyf
2de prys: Blouwildebees, sebra, rooibok, blesbok plus 4 dae en 3 nagte verblyf
3de prys: Blouwildebees, rooibok, blesbok plus 3 dae en 2 nagte verblyf
Geborg deur Chaan Bezuidenhout
Plaas se professionele jagter kan gebruik word
Kontak Alida Reed by 082 228 3552
of Chaan Bezuidenhout by 082 853 5895

Basaars en markte

- **Saterdag 9 November vanaf 08:00: Gemeente Bronkhorstspuit: Basaar**
Tema: *Wilde Weste*
Meganiese bul, kosstalletjies en ander lekkernye
Kindertafel, ons alombekende boerewors en vele meer
Navrae by 013 932 2929 / 083 448 9560
- **Gemeente Wonderboom-Suid: Goud & Silwer: Outydse kermis**
Vrydag 15 November van 16:00 tot laat by 10de Laan 920
Kom geniet die middag en aand saam met ons
Smul aan pap-en-kaiings, potjiekos, kerrie-en-rys, tuisgebak en vele meer
Groente teen weggeepryse
Kontak Helen by 074 148 4422 / Valie by 083 714 4981
- **Vrydag 22 en Saterdag 23 November: Gemeente Noordelike Pretoria**
Bielie-van-'n-Makietie-Fees
Moot: 12de Laan 512, Gezina
Met Liza Brönnner (nuwe *Liefing*) en Wikus Botma
Vrydagaand om 19:00: Ete by kerslig in die saal
Koeldrank te koop of bring 'n wyntjie en glas saam
Etekaartjies tot 15 November te koop
by Pikkie 083 404 5552 / Sarel 083 554 3397 / Mirna 082 307 7314
Volwassenes = R50, persone oor 65 en kinders onder 12 = R25
Saterdag vanaf 08:00: Iets vir almal



Allerhande kosstalletjies, teetuin met gebak, koeldrank, pannekoek...
Witolifanttafel, musiek, speletjies vir die kinders, lootjies en pryse te wen
Uitstallers teen R50 'n stalletjie
11:00 Liza en Wikus – bring stoel of kombors
Navrae aan Ria Smit by 236mms@gmail.com

- **Vrydag 29 en Saterdag 30 November: Gemeente Sionspoort Kersmark**
Handgemaakte items van hoë kwaliteit te koop
Talle kosstalletjies en vermaak
Die diakonie trakteer die gemeenskap se minderbevoorregte kinders
Skakel 082 464 1547 vir meer inligting
- **Saterdag 30 November: Gemeente Ventersdorp: Minibasaar**
Handgemaakte Kersgeskenke en vele meer
Kom geniet die dag saam met ons
Daar sal baie te ete en te drinke wees
Kom proe ons sosaties en alombekende boerewors teen lae pryse
Kontak ds Marius Jansen van Vuren by 072 850 4960
of Nico Kock by 083 204 6715
- **Saterdag 30 November: Gemeente Strand: Basaar**
Plek: Saal van NG Moedergemeente
Adres: hv Birkenhead- en Faganstraat
Van vroeg tot laat met alles en nog wat
Kom besoek ons en ondersteun ons as u in die omgewing is
Navrae aan Douw Steyn by 071 382 1900
- **Saterdag 30 November: Gemeente Bellville: TOEKAFEEES 2013**
By Laerskool Brackenfell vanaf 09:00 tot laat
Kom eet en drink iets lekker
Kom kyk na veteraanmotors en ou trekkers
Kom kyk na ou versamelings en demonstrasies
Kom luister na lekker musiek
Kom – bring jou gesin en vriende
en geniet 'n lekker outydse uitstappie in karnavalatmosfeer
Toegang: R10 per volwassene en kinders op skool R5
Kontak Nico by 082 823 5441 / Gert by 083 761 4320

ANDER NUUS

- **Hierdie persverklaring oor 'n uitspraak van die Sekretaris-generaal van die ANC is op 4 November 2013 uitgereik deur dr Johann Ernst, Aktuaris, namens die Moderamen van die NG Kerk se Algemene Sinode.**

“Die misbruik van wat vir Christene heilig is – al weer!

Gedurende die afgelope jare het die Christelike gemeenskap in Suid-Afrika sy afkeer uitgespreek oor politieke leiers se misbruik van die Bybel en dit wat vir Christene heilig is – veral in die tyd van verkiesings. Die President het dit gedoen, en nou misbruik en degradeer die Sekretaris-generaal van die ANC die heilige Drie-eenheid tot 'n metafoor vir 'n politieke alliansie en politieke gewin. Baie Christene is seergemaak deur die tipe godslastering.

Ons doen 'n beroep op die regerende party om hierdie tipe optrede ten sterkste te sensureer. Ons doen 'n oproep op alle Christene in ons dierbare land om optrede soos dié teen te staan. Ons wil 'n oproep op ander godsdienste doen om ons te help om hierdie tipe misbruik van ons godsdienste teen te staan deur hulle afkeer op die sterkste denkbare wyse, soos hulle mag goed vind, uit te spreek. Ons weet



hoe die Moslems of Jode of Boeddiste sou gevoel het indien hulle hierdie tipe slegte godsdienstige behandeling sou moes ondergaan.

Mag ons almal in die tyd van die naderende verkiesings die wysheid en die selfbeheersing vind om op 'n wyse op te tree wat ons land en ons geloof waardig is."

Die Hervormde Kerk identifiseer ten volle met hierdie verklaring.

- **VAKATURES VIR MAATSKAPLIKE WERKERS**
Ondersteuningsraad
Kempton Park en Elsburg 1 voltydse pos elk
Minimumvereistes: Maatskaplikewerkgraad, geregistreer by SACSSP en met geldige rybewys
Stuur CV stuur na 012 322 5787 (faks) / oraad@nhk.co.za
- **VAKATURE VIR SEKRETARIELE BEAMPTTE**
Ondersteuningsraad, Gemeente Newlands (Johannesburg)
Pos (15 uur per week)
Vereistes: Ervaring in algemene administrasie en finansiële bestuur
Goeie menseverhoudings, 'n passie vir barmhartigheidswerk en 'n geldige bestuurslisensie
Salaris volgens jare ervaring
Pos is onmiddellik beskikbaar
Stuur CV stuur aan mev Ansie Cromhout by 012-322-5787 (faks) / oraad@nhk.co.za
Sluitingsdatum 15 November
- **BEELD-KINDERFONDS: Kerskonsert**
Woensdag 27 November in Pretoria
R110 en R155
Navrae aan Adrie van Staden by 011 976 2273 / 073 749 2697
Besoek www.beeldkinderfonds.co.za
- **VOORTREKKERMONUMENT KONTREIMARK**
Saterdag 9 November en 7 Desember 08:00 tot 14:00
Teetuin en Afrikaanse kunstenaars
Hand-/tuisgemaakte artikels en vars produkte
Toegang R20 per voertuig
Navrae aan Thea Furstenburg by 012 326 6770 / thea@vtm.org.za

Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word. Indien 'n jpg-weergawe van die advertensie voorsien word, moet dit verkieslik nie groter as 'n standaard besigheidskaartjie wees nie. Stuur die voorgestelde teks van nie meer as 110 woorde met of sonder eenvoudige grafika of 'n foto saam met die bewys van betaling aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die e-Hervormer word normaalweg Woensdae saamgestel en verskyn dan die Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. Die koste is R150 per plasing (BTW ingesluit).

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads.**

Neem asseblief kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.

***** Die laaste e-Hervormer van 2013 word op Donderdag 28 November uitgestuur. Onthou om u advertensies daarvolgens te beplan!**

AGTERBLAD

Kerkspesifieke lessenaarkalender

Slegs R25 per kalender

Elke maand in 'n ander kleur!

- Ons bied hiermee 'n Kerkspesifieke lessenaarkalender aan.
- Elke maand dra die betrokke simboliese Kerkjaarkleur.
- Die Kerkjaarbesonderhede word elke maand aangedui.
- Alle sinodale vergaderings word aangedui – daar is egter steeds genoeg ruimte by elke dag om eie afsprake in te skryf!
- Die belangrikste kontakbesonderhede van die sinodale instansies verskyn op elke bladsy.
- Telkens word 'n ander instansie van die Kerk per maand aangebring – om byvoorbeeld saam te val met Mediasondag (SENTIK) of die NHSV by die maand waarin die NHSV se deurkollekte aan die beurt kom.
- Ons meen dat dit vir gemeentekantore en predikante baie handig sal wees om so 'n lessenaarkalender te hê, eerder as een waarop die een of ander maatskappy adverteer en ruimte opneem sonder om funksionele gegewens van die Kerk aan te dui.
- Die formaat is A2 (4 x A4's), elke maand die unieke Kerkjaarkleur, aan die bokant gegom, sodat dit plat op 'n lessenaar kan lê.
- Die lessenaarkalenders kan afgehaal word by die Sinodale Kerkkantoor by Jeff Masemolastraat 224, Pretoria.

Kerkspesifieke lessenaarkalender

A2

A2

Slegs R25 per kalender

Elke maand in 'n ander kleur!